




天祥集杜詩
完

土岐文庫
文庫17
W155



文庫 17 107
W155

明治五年壬申仲夏新彫

大日本内村先生校

文天祥集杜詩

京坂 二書房發兌

010185140256

叙



杜飯山詩文、山之行於數百
年前文、山行杜飯山、詩
於數百年後其詩其行、
合契如出於一人、亦奇矣
蓋二山所遭之時、其精忠義
烈愛社稷、瀝心血者、不期而相

集卷七

詩

集林詩 八
同也夫其本已全詩之行也豈
得不全哉宜矣文山偕飯山之
詩而叙已之行也嗚乎飯山之
詩待文山而益活文山之行因
飯山之詩而倍傳可謂兩相
得者矣多在內邨子輔校此
集改刻呂公於世乃雖謂二山

之忠烈待子輔而倍顯於宇內
傳於萬世亦可也刻已成書林
金華文光二堂請余叙之余
常歛慕二山又喜子輔之舉
故序一言焉抑讀此集而奮
狀感發忠憤義氣者子輔之
志也而余之所望亦在於


此也矣

明治五年壬申夏五月朔

識於

西京環碧樓

南摩細紀



宋丞相信國公文遺像



集杜詩

八序

二

像贊

明孫 燧

偉哉文公。千古之士。方國脉尚存也。流離顛沛。惟恐不得其生。及國脉既絕也。慷慨從容。惟恐不得其死。求生匪生。求死匪死。生死惟求。成就一是。丈夫事業。固每如此。百世聞風。孰不興起。



宋文文山先生集杜詩

宋廬陵

文天祥文山父

著

明武林後學鍾

越異度父評閱

兄 鍾天均小天父

參閱

鍾天墀雲垣父

鍾昇平征之父

較

內村篤斐子輔校字

大日本出雲

自序

余坐幽燕獄中。無所為。誦杜詩稍習。諸所感興。因其五言集為絕句。久之得二百首。凡吾意所欲言者。子美先

善讀詩

杜工部詩
史也集杜
詩史詩也

為代言之日玩之不置。但覺為吾詩。忘其為子美詩也。乃知子美非能自為詩。詩句自是人情性中語。煩子美道耳。子美於吾隔數百年。而其言語為吾用。非情性同哉。昔人評杜詩為詩史。蓋其以詠歌之辭。寓紀載之實。而抑揚褒貶之意。燦然於其中。雖謂之史可也。予所集杜詩。自予顛沛以來。世變人事。槩見於此矣。是非有意於為詩者也。後之良史。尚庶幾有攷焉。歲上章執徐月。祝犁單闕日。上章協洽。文天祥履善甫叙。是編作於前年。不自意流落餘生。至今不得死也。斯文固存。天將誰屬。嗚呼。非千載心。不足以語此。壬午。

春秋紀事

正月元日文天祥書

社稷第一

三百年宗廟社稷為賈似道一人所破壞哀哉

南極連銅柱

送李晉肅入蜀

煌煌太宗業

北征

始謀誰其間

苦熱呈陽中丞

風雨秋一葉

故李光弼司徒

理宗度宗第二

先帝弓劍遠

送譚二判官

永懷侍芳茵

送汝南郡王璉

今朝漢社稷

喜達行在所

為話涕沾巾

送司馬入京

誤國權臣第三

似道喪邦之政不一而足其羈虜使開邊釁則兵連

喪亡宋詐
似道真大

集社詩

禍結之始也哀哉

蒼生倚大臣

送韋中丞之晉

北風破南極

北風

開邊一何多

前出塞

至死難塞責

吳侍御江上宅

瀘州大將第四

西南失大將

客居

帶甲滿天地

送遠

高人憂禍胎

山寺

感歎亦歔歔

襄陽第五

十年殺氣盛

北風

百萬攻一城

遣懷

賊臣表逆節

徃在

胡騎忽縱橫

嚴公一武

荆湖諸戍第六

長嘯下荆門

春日梓州登樓

胡行速如鬼

塞蘆子

門戶無人持

水檻

社稷堪流涕

西閣呈元

黃州第七

始謂虜以襄陽船自漢入江後乃知虜之未渡斬黃已先降故其渡也襄漢斬黃之船皆在焉

桓桓陳將軍

北征

東屯大江北

行官張望

化作虎與豹

夏日

楚星南天黑

晚登瀼上堂

陽羅堡第八

夏貴自陽羅堡之敗順流而下沿江南岸縱兵放火歸廬州解甲當是時其心已無國矣似道建督至江

太史公筆
宋末史不

可讀讀此
快然

上夏貴不得已出見斬以釁鼓東南再造之機也失此不圖社稷為墟哀哉

日色隱孤戍發秦州

大江聲怒號大雨

朝廷任猛將又上後園

宿昔恨滔滔送王砥使南海

京湖宣閩第九

開慶已未江陵閩帥自上而下奔救鄂渚令朱禩孫任宣閩乃自鄂渚走還岳陽朱與夏通任長江之責一上而一下使中流蕩然虜安行人無人之境國安得不亡嗚呼痛哉

正當艱難時送樊侍御漢中

豈無濟時策遺典

宋末一班
臣必欲亡
宋方已

連檣荊州船雨

悠悠回赤壁過南岳入洞庭

渡江第十

常時江水風波不可狎視虜渡江時水乃鏡平豈非天哉

濟江元自闊行次古城泛江

輕船下吳會逢劉簿弟

南紀收波瀾衡州縣呈陸宰

吾將罪真宰劍門

鄂州第十一

先時李雷奮為郡守十月以臺論罷至是無正官張宴然以城降金湯重鎮正風寒中而去正守當國者獨何心哉

可恨可惡

鄂渚分雲樹過南岳入洞庭

春城帶雨長入行軍六第宅

惜哉形勝地懷鎮水居

河岳空金湯入衡州

江州第十二

戎馬暗天宇送魏六丈交廣

落日九江流送李功曹荆州

元惡迷是似入衡州

化作長黃虬奉同郭給事

安慶府第十三

岸轉異江湖過南岳入洞庭

江水流城郭春日梓州登樓

鷓鴣志意滿病柏

山鬼獨一脚懷台州鄭戶

魯港之遁第十四

已未鄂渚之戰何勇也魯港之遁何衰也人心已去

國事瓦解當是時惟豪傑拔起首禍之權奸無救禍之理哀哉

出師亦多門後出塞

水陸迷畏途贈鄭十入貴

蹭蹬麒麟老贈射洪李四丈

危檣逐夜鳥過南岳入洞庭

建康府第十五

亭亭鳳凰臺鳳凰臺

江城照孤日登牛頭山亭

胡來滿彤宮往在

驅馬一萬匹北征

相陳宜中第十六

魯港敗後陳宜中當國首斬殿帥韓震脅遷之議差強人意宜中實無經綸至秋託故遁歸及不得已十

月再來則國事去矣哀哉。

蒼生起謝安。宴王使君宅

翠華擁吳岳。壯遊

可以一木支。水檻

俯恐坤軸弱。青陽峽

召張世傑第十七

京師內空頓張世傑一軍自荆湖至。

詔發西山將。送郭中丞

熊虎亘阡陌。贈王思禮司空

笳鼓凝皇情。贈左僕射嚴武

佳氣向金闕。北征

鎮江之戰第十八

張世傑率舟師趨金山約殿帥張彥自常州陸出京口楊州兵出瓜洲三路交進同日用事既而楊州失

天亡非戰之罪

期先出取敗常州竟不出世傑多海舟無風不能動江水平虜以冰哨馬往來如飛遂以潰敗嗚呼豈非天哉

海潮船千艘。送王砥使南海

肉食三十萬。昔遊

江平不肯流。陪王使君泛江

到今有遺恨。壯遊

將相棄國第十九

丙子正月十八日虜至高亭山是夜四鼓宜中逃翌日世傑逃

扈聖登黃閣。贈嚴八閣老

大將赴朝廷。草堂

胡為入雲霧。送高司直閩州

浩蕩乘滄溟。橋陵韻呈縣官

春秋書法

京城第二十二

當寧陷玉座往在

兩宮棄紫微詠懷

北城悲笳發夏夜

失涕萬人揮送盧十

京城第二十一

黃屋朔風卷故秘監

園林殺氣平送郭中

宮殿青門隔送賈閣

永懷丹鳳城送覃二

陵寢第二十二

五陵花滿眼別何

霜露在草根閩州

冥冥子規叫法鏡

重是古帝蒐杜鵑

陵寢第二十三

旄頭彗紫微衡州縣

蚩尤塞寒空奉先縣

愚智心盡死聽何

漂蕩隨高風遣與

江陵第二十四

高達京湖名將已未解圍鄂州賈似道許以建節竟不與而移以與呂文德達怨望久矣至是為京湖制置以城降宣闡不能制城初陷朱禩孫仰藥不得死既而亦降焉

聞說江陵府陝隘

今又降元戎客居

甲外控鳴鏑贈王司

肩輿強老翁王十五

淮西帥第二十五

國事如此
孰云大意

老賊初與
李庭芝不
谷未則獻
士於虜真
可痛恨

庭芝亦是
忠心人只
畏怯無遠
謀五字至
候事机爾

夏貴既失長江，惟恐督府有成，無所逃罪。又恐孫虎臣以後進為將有功，總統出已上，日夜幸其敗覆。督府既潰，歸廬州，竟不出朝廷，屢詔勤王，若閉聞知國亡，乃以淮西全境獻北為已功焉。於是貴年八十餘矣，老而不死，是為賊其貴之謂歟。

借問大將誰，後出

戰骨當速朽，前出

逆節同所歸，詠懷

水花笑白首，送王砧使南海

揚州第二十六

李庭芝在揚州十餘年，畏怯無遠謀，惟閉門自守，無救於國。及景炎登極，以為首相，乃引兵輕出，渡海南

歸朱煥，尋以城獻虜，哀哉。

城峻隨天壁，自帝

胡來但自守，潼關

士卒終倒戟，贈王司

仰望嗟嘆久，九成

京湖兩淮第二十七

東南兵力盡在江北，金城湯池，國之根本，高以荊州降。夏以淮西降，李死，淮東盡失，無復中原之望矣。哀哉。

荆楊風土暖，秋行官

大城鐵不如，潼關

泰山忽破碎，登慈

流落隨丘墟，五盤

景炎擁立第二十八

予自蘇州歸闕建議出二王於閩廣及虜至二王方
出宮蘇劉義陸秀夫遇二王於溫時陳宜中海船泊
清嶼門諸人往邀之共圖興復益王始建元帥及張
世傑自定海至同趨三山以五月一日益王登極改
元景炎

漢運初中興。述懷

扶顛待柱石。入衡州

疇能補天漏。寄岑參

登階捧玉冊。往在

福安府第二十九

崔嵬扶桑日。幽人

闊會滄海潮。桔柏渡

傾都看黃屋。送班司馬入京

此意竟瀟條。贈韋左丞

幸海道第三十

自三山登極世傑遣兵戰邵武大捷人心翕然世傑
不為守國計即治海船識者於是知其陋矣至冬聞
警即浮海南去天下事是以不可復為哀哉

天王守大白。九成宮

立國自有疆。前出塞

舍此復何之。後遊脩覺寺

已具浮海航。壯遊

景炎賓天第三十一

御舟離三山至惠州之甲予門駐焉已而遷宮富場
丁丑冬虜舟來移次仙澳與戰得利尋望南去止礪
川景炎賓天蓋戊寅四月望日也嗚呼痛哉

陰風西北來北征

青海天軒輕送從第亞

白水暮東流新安吏

竟斷蒼梧帝贈秘書監李邕

祥興登極第三十二

戊寅四月十七日衛王登極於礪川

浮龍倚長津別蔡十四著作

參錯走洲渚入衡州

蒼梧雲正愁登慈恩塔

初日翳復吐法鏡寺

祥興第三十三

六月世傑自礪川北還至崖山止焉崖山乃海中之山兩山相對延袤中一衣帶水山口如門世傑以為形勝安之

南遊炎海甸送魏六丈

沃野開天庭橋陵韻呈縣官

真龍竟寂寞雷

乾坤水上萍衡州送李大

祥興第三十四

作一字陣作長蛇陣訊也不守山門案也世傑其謂之何

已卯正月十三日虜舟直造崖山世傑不守山門作一字陣以待之虜入山門作長蛇陣對之二月六日虜乘潮進攻半日而破死溺者數萬人哀哉

弧矢暗江海草堂

百萬化為魚潼關吏

帝子留遺恨過南岳入洞庭

故園莽丘墟逃難

祥興第三十五

世傑於戰敗後乘霧雨晦冥以數舟遁去

朱厓雲日高。遣遇

風浪無晨暮。懷台州

冥冥翠龍駕。雨

今復在何許。宿清溪驛

祥興第三十六

初行朝有船千餘艘。內大船極多。張元帥大小船五百。而二百舟失道。久而不至。北人乍登舟。嘔暈。執弓矢。不支持。又水道生疎。舟工進退失據。使虜初至。行朝乘其未集。擊之。蔑不勝矣。行朝依山作一字陣。幫縛不可復動。於是不可攻。人而專受攻矣。先是行朝以游舟數出。得小捷。他船皆閩浙水手。其心莫不欲南向。若南船摧鋒直前。閩浙水手在北。舟中必為

天意去趨
故世傑老
將亦動多
舛錯

變則有盡殲之理。惜世傑不知合變專守法。嗚呼。豈非天哉。

六龍忽蹉跎。別唐十

川廣不可泝。送汝陽

東風吹春水。送程

乾坤莽回互。懷台州

祥興第三十七

幽燕盛用武。昔遊

六合已一家。後出

眼穿當落日。喜達

滄海有靈查。喜晴

祥興第三十八

客從南溟來。客從

黃屋今在否。留別張

天高無消息。幽人

未忍即開口。述懷

借他人口
寫自己胸
大成妙句

祥興第三十九

南嶽配朱鳥。望北

地軸爲之翻。晦日尋

皇綱未爲絕。北征

雲臺誰再論。覽柏中丞官制

陳宜中第四十

丁丑冬御舟自謝女峽歸礪川陳宜中船相失莫知

所之

管葛本時須。別張十建封

經綸中興業。述古

有志乘鯨鰲。送王砮使南海

南紀阻歸檝。贈李光弼

張世傑第四十一

世傑得士卒云每言北方不可信故無降志聞之再

世傑貞忠

之志可嘉

公之此言

亦只是責

備賢者之

意

世傑讀之

顏臉竟飛

造實賴其力。然其人無遠志。擁重兵。厚賞。惟務遠遁。卒以喪敗。哀哉。

南國卷雲水。舟中苦熱

黃金傾有無。遺懷

蛟龍亦狼狽。溪漲

反復乃須臾。草堂

張世傑第四十二

長風駕高浪。龍門

偃蹇龍虎姿。病栢

瀟條猶在否。止水遺懷

寒日出霧遲。早發射洪

蘇劉義第四十三

蘇京湖老將。雖出呂氏。乃心專在王室。永嘉推戴。實建大功。後世傑用事。志鬱鬱不得展。其人剛躁不可

近然能服義終始不失大節匡山與其子俱得脫亦不知所終。

驛驕事天子送高司直

龍怒拔老湫送常十六許事

鼓柅視青旻寄薛三郎中

烈風無時休登慈恩塔

曾淵子第四十四

曾淵子元貶雷州御舟南巡復與政事匡山之敗曾欲赴水為蘇父子所留同得脫其家竟沒虜後還五羊有人見其子雷郎者焉哀哉。

子負經濟才別唐十五

鬱陶抱長策貽華陽柳少府

安得萬里風夏夜歎

南圖回羽翮送嚴公入朝

子美後身而為說此

江丞相萬里第四十五

先生居饒州虜入城先生投府第中池水死其弟萬頃於廳事上被執殺死哀哉書法

星折台衡地送蘇州李長史

斯文去矣休送王信州匡北

湖光與天遠過洞庭

屈注滄江流奉同郭給事

趙倅昂發第四十六

虜至池州倅昂發蜀人夫婦自經死

風雷颯萬里大雨

大江動我前水會渡

青衿一憔悴衡州縣學

名與日月懸陳拾遺故宅

將軍王安節第四十七

常州敗虜生獲王安節。不屈而死。虜謂過江以來，武人忠義者，惟王安節一人。安節，乃節度使王堅子也。

激烈傷雄才。金華山觀

直氣橫乾坤。別李義

惆悵汗血駒。別張建封

見此忠孝門。柏中丞降官制

李安撫第第四十八

肯齊先生蜀人，寓居衡陽。乙亥，雷夢炎為潭帥，夢炎歸相，始起先生為代。先生倉卒運掉，城守甚備。及城陷，先生殺其家人，乃自焚死。哀哉。

殺氣吹沅湘。入衡州

高興激荆衡。李八判官

城中賢府主。課伐木

千秋萬歲名。夢李白

死節於次

李制置庭芝第四十九

庭芝得爰立之命，引兵至泰州，為虜所困。泰州孫九賣城，庭芝被執，誅於揚州市。雖無功於國，一死為不負國矣。

空留玉帳衛。送嚴公

那免白頭翁。陪章留後

死者長已矣。石壕吏

淮海生清風。送高司直

姜都統才第五十

淮東猛將楊州前後主戰，皆其人也。及泰州破，被執。虜愛其才勇，啖以官爵，不肯降。罵諸負國者，臨刑含血以噴罵虜，不絕口。其英風義烈，淮人言之無不傷。

時天子蒙塵，獨庭芝與才誓將士四萬人，謀迎大駕。將士感泣，夜擣虜軍，不克而返。其忠誠之心，於今為烈矣。真州苗再成亦謀迎，不克。

歎惜哉。

屹然強冠敵。

贈王司空

古人重守邊。

後出塞

惜哉功名忤。

薛太保

死亦垂千年。

義鵬

張制置珪第五十一

蜀之健將元與咎萬壽齊名咎降張獨不降行朝擢

授制閩未知得拜命否蜀雖糜碎珪竟不降為左右

所賣珪覺而逃遁被囚鎖入北不肯屈後不知如何

氣敵萬人將。

楊監 盡鷹

獨在天一隅。

遺懷

向使國不亡。

九成宮

功業竟何如。

別張建封

陸樞密秀夫第五十二

先生有志 子美言 先生重義 子美道之

死節於水

字君實文筆英妙自維揚幕入朝京師陷永嘉推戴有力及駐厓山兼宰相凡朝廷事皆秀夫潤色綱紀之厓山陷與全家赴水死哀哉

文彩珊瑚鉤。

奉同郭給事

淑氣含公鼎。

張九齡

炯炯一心在。

嚴武

天水相與永。

漢陝西南臺

勤王第五十三

甲戌冬詔天下勤王予守章貢首應詔意同志者當接踵而奮已而竟無應者予遂以孤軍赴闕世事不濟始由於此哀哉

出師亘長雲。

後出塞

盡驅詣闕下。

往在

集上詩

十五

時羯狗亂 華障安危 急惟張世 傑起兵入 衛李芾起 兵入援獨 公起義兵 勤王遠近 內外无應 真可哀也

恰好

首唱恢大義衡州縣學

垂之俟來者蘇源明

蘇州第五十四

予領兵赴闕時陳宜中歸永嘉留丞相夢炎當國夢炎意不相樂出予以制闈守吳門尋以獨松事急陳丞相留丞相陳樞密文龍連書趣還宿衛予不得已行未幾姑蘇陷哀哉

嗟峨閫門北北遊

朱旗散廣川錢裴二端

控帶莽悠悠送韋十六評事

慘淡陵風烟草堂

拜相第五十五

予自吳門還遣守獨松戍餘杭丙子正月初二日除

知臨安府辭不拜引輕兵至闕陳大義不得見十八夜宜中逃次日早予除樞密使午拜丞相樞密使都督諸路軍馬然事已無及無可奈何矣予不敢當亡國之名請有危難捐軀而已

我來屬時危九成宮

朝野色枯槁送長孫侍御

倚君金華省張九齡

不在相逢早贈射洪李四丈

出使第五十六

初宜中蒙蔽外庭如遣使北軍求議和約見伯顏於長安堰已而不如約故虜徑至高亭山要以相見宜中遂逃上下皆莫知其詳予既辭相印不拜遂奉上

命以議和為名在虜營虜強以降余見伯顏開陳大義詞氣慷慨虜頗傾動尋留不遣而丞相吳堅右丞賈餘慶同知樞密院謝堂以下竟自納款余責伯顏留使失信及數虜罪惡以死自誓而一無所及矣痛哉

隔河見胡騎前出塞

朝進東門營後出塞

皇皇使臣體寄崔部事

詞氣浩縱橫春陵行

發京師第五十七

自國都失守應降表及行下省札播告歸附皆不敢使余聞知予居虜中欲求速死虜衛守甚嚴務為塗

塞耳日二月八日大臣吳堅賈餘慶家鉉翁劉巴皆

以祈請使為名下船詣北庭虜忽驅余並行余不肯

往被其梓迫不得已行至謝村幾逶去

東下姑蘇臺壯遊

揮涕戀行在北征

蒼茫雲霧浮發秦州

風帆倚翠蓋幽人

去鎮江第五十八

余至京口北行有日矣余欲引決同行士杜滸曰且逶逃不獲死未晚也遂謀走真州時江中皆北船偶物色一空船在虜籍外捐重貲約之二月晦日夕一更後予約同行十一人潛出邸挾办自隨不濟則自

殺幸而安行無虞。遂沂流而上。虜船綿亘江上。幾不
得出。三月朔抵真州。今而後喜可知也。

京口渡江船。送許八
十遺

窮途仗神道。送魏
六丈

瀟條向水陸。入衡
州

雲雨白浩浩。送長孫
侍御

至真州第五十九

余至真州登城四望徘徊感歎守苗再成慷慨有志
略。聞余言踴躍思奮。余即作書報制閩李庭芝及約
淮西夏貴。又作諸州太守書約以興復苗守遣人四
出導意。兩日久與余講進取方略。使天命再宋。是行
也。中興之機也。一人狐疑事乃大繆。惜哉。

萬里長江邊。送高
司直

去國同王粲。蓬泉
驛

青山意不盡。上牛
頭寺

皇天照嗟嘆。舟中
苦熱

行淮東第六十

李庭芝聞余至真州。以為來說降。遣使數十輩來。泣
殺予。苗再成不肯。然不得不出。予以自白。以上巳日。
給余出城門。閉城不答。余欲赴濠死。未幾苗遣五十
人送行。行五十里。布亦於野。詰問甚久。使一語可疑。
即為草間血矣。其人信余言。為之歎惋。送至州境。夜
至揚州西門。欲扣城入。前却數四。四人遁去。余與七
人走荒野空屋中。是日虜萬騎自屋後過。幸而苟免。

再成情真
可原

自是變姓名趨高郵初五夜行屢迷失道旦虜哨各
鳥獸竄伏縛去一人殺傷一人又幸喜脫余時日夜
在死亡中驚喘危懼饑餓無聊人生逆境有如此者
哀哉

客子中夜發赴奉先縣

月照白水山彭衙行

悲辛但狂顧懷鄭十八戶處

浩蕩前後間清溪

自淮歸浙東第六十一

余高郵道中遇哨得脫行數十里匍匐不能行幸遇
村夫雇倩羅擡入郡又有被傷者扶持強行血衣淋
漓見者傷惜初七日至郡地分官盤詰甚至稱制置

司有報文丞相來說降令一路覺察不納南來人余
等既變姓名地分官見有傷者不疑聽下船去沿途
歷盡艱險得至泰州城下伏十餘日趨通州自下船
後哨騎或隔五里或隔十里驚惶連日達通州城反
覆詰問數日不納不得已從地分官吐實語太守楊
思復遂得覆護主圃子內大舟中然後以海舟送歸
浙東船中遇風波屢覆又遇賊追逼數四是行寄一
生於萬死不復望見天日至永嘉惟存六人

北走驚險難彭衙行

十步一回首相從歌

碧海吹衣裳又上後園山脚

掛席上南斗別張使君

顛離慘苦
子美先為
寫出

至福安第六十二

益王以天下兵馬都元帥，衛王以副元帥，建號於永嘉。隨趨三山開府。予四月八日到永嘉，則元帥舟去已一月矣。亟使副守李珣驛報行府。陳丞相即遣人來議擁立事。余深贊大議。五月一日登極，予以觀文殿學士侍讀召赴行在。二十六日至行都，即再相。然國方草創，陳宜中尸其事，專制於張世傑。余各宰相徒取克位，遂不敢拜議出督。

握節漢臣回鄭駙馬

麻鞋見天子述懷

感激動四極嚴武

壯士淚如雨聽楊氏歌

二語斷案

福安宰相第六十三

余至通州，地分官以制置司文移為說，甚作難阻。余不得已吐實，以通楊帥守思復。乃云：謀報許浦有馬根，尋文丞相甚信。余言不直，制司予然後得。楊守存恤，遂遵南歸。及過明州東門，有列岸數百艘，初不知為虜把隘船也。後問之東門道士云：是日虜頭目見船過，聞左右曰：此何船？皆以漁舟對。遂得善去。嗚呼！危哉！楊守為余言，欲得海船數百艘，當約許帥文德擁兵勤王。慨然有誓清之志。予至永嘉，即詳報陳丞相，不以為信。乃遣毛浚之通州，而不以告。余浚至通

州守問予何以無書遂發怒浚幾不免浚出而通遂降虜矣惜哉

紛然喪亂際

柏中允制

反覆歸聖朝

鄭虔

秉鈞孰為偶

贈李八判官

扶顛永蕭條

李光弼

南劍州督第六十四

始余至永嘉留一月候命永嘉及台處豪傑皆來自獻願從海道作戰守規模予至福安欲還永嘉謀進取廟謨不以為然遂議開督於廣廣陷乃出南劍開府聚兵財為收復江西計於時幕府選辟皆一時名士官中既棄臨安及三山登極欲倚世傑復浙東西

以自洗濯所以阻予永嘉之行後取定海兵敗李珣為制閩眾方思用予悔已不及惜哉

劍外春天遠

送班司馬入京

江閣鄰石面

簡嚴云

幕府盛才賢

次古城店

意氣今誰見

白馬

汀州第六十五

予在劍朝廷嚴趣之汀十月行十一月至汀州而福安隨陷車駕幸海道矣事會之不齊如此哀哉

雷霆走精銳

送樊侍御

斧鉞下青冥

送李大夫

江城今夜客

出郭

慘淡飛雲汀

薛判官

梅州第六十六

予至汀汀守可疑汀兵非素所拊循寇兵自贛自劍
交至丁丑正月行府遂引兵趨漳州龍巖謀入衛漳
潮道阻三月入梅州時麾下頗不循法斬二都統軍
政一新焉

樓角凌風迥

東樓

孤城隱霧深

野望

萬事隨轉燭

佳人

秋光近青岑

伐木

贛州第六十七

五月引兵自梅出嶺時贛吉兵皆來會六月大捷於
雩都進攻興國縣返正於是駐屯遣大兵攻贛州
又以偏師出吉州贛諸縣皆復虜號令惟行於城中

吉水永豐萬安永新龍泉以次皆復臨洪袁瑞莫不
響應詣軍門請約束者相繼興國黃州新復皆來請
命汀州有僞天子黃從斬首至府上下翕合氣勢甚
盛天若祚宋則是舉也幸而一捷國事垂成之候也

崆峒殺氣黑

壯遊

灑血暗郊垆

薛判官

哀笳曉幽咽

留花門

石壁斷空青

西閣

江西第六十八

行府偏師出吉州者戰於鍾步不利攻贛兵不幸相
繼而敗行府孤立時處置安撫鄒瀾聚兵數萬在永
豐境行府引兵就之會其軍亦潰而虜自後追及不

可支雖人謀之不臧殆天意之未順每一念此氣殫欲絕哀哉

東望西江水第觀

高義在雲臺建封

到今用鉞地草堂

霜鴻有餘哀金華山

江西第六十九

旄頭初傲擾將適江陵

義士皆痛憤草堂

乾坤空崢嶸畫鵲

嚮者畱遺恨空靈岸

復入廣第七十

行府敗於江西收散兵復入汀尋出會昌入安遠趨循州是冬屯南嶺戊寅二月出惠州海豐縣駐於麗

江涌偏遣間使沿海訪問車駕六月翠華至匡山行府移船澳八月進少保信國公職任依舊行府欲赴闕張世傑阻隔於中不果行

東浮滄海濤薛郎中

南為祝融客詠懷

漂轉混泥沙柴門

迫此短景急龍門

駐惠境第七十一

朱鳳日威垂北風

羅浮展衰步詠懷

北風吹蒹葭秋行官張莖

送此齒髮暮雨

駐潮陽第七十二

十月引兵趨朝陽稍平羣盜人心翕然

寒城朝烟淡。吳侍御宅

江沫擁春沙。遠遊

羣盜亂射虎。雷

回首白日斜。喜晴

同府之敗第七十三

十一月、謀報虜大衆至漳泉、度勢不敵、移屯將趨海、
豐為虜騎追及於中道、時行已數日、不為備、倉卒潰、
散遂被執。

送兵五千人。北征

散足盡西靡。種蒿

留滯一老翁。雨

蓋棺事則已。奉先縣

行府之敗第七十四

自國難後、行府白手起兵、展轉患難、東南跋涉萬餘

里事不幸不濟、然臣子盡心焉爾矣、成敗天也、獨奈何哉。

翠蓋蒙塵飛。詠懷

仗鉞奮忠烈。北征

千秋滄海南。張九齡

事與雲水白。王思禮

南海第七十五

今被執後、即服腦子、約二兩、昏眩久之、竟不能死、及
至張元帥所、衆脅之跪拜、誓死不屈、張遂以客禮見、
尋置海船中、守護甚謹、至厓山、令作書招張世傑、手
寫詩一首復之、末句云、人生自古誰無死、留取聲名
照汗青、張不强而止、厓山之敗、親所目擊、痛苦酷罰、

無以勝堪時。日夕謀陷海。而防閑不可出矣。失此一死。困苦至於今日。可勝恨哉。

開帆駕洪濤。遣遇

血戰乾坤赤。送李判官

風雨聞號呼。草堂

流涕灑丹極。別蔡著作

南海第七十六

南海春天外。送段功曹

祇應學水仙。舟中

自傷遲暮眼。寓目

為我一潸然。李使君

至廣州第七十七

自匡山至五羊壯哉郡。真形勝之國也。往年虜平其城收復。後不能完整為守國計。哀哉。吾國之無人乎。

南方瘴癘地。雷

白馬東北來。白馬

長城掃遺堞。李弼

淚落強徘徊。鄭附馬樓臺

至南安軍第七十八

予四月二十二日。離五羊。五月四日出梅嶺。至南安軍。鑰置舟中。予不食。擬至廬陵。得瞑目。庶幾首丘之義云。

短日行梅嶺。哭李常侍

天門鬱嵯峨。別唐誠

江西萬里船。春夜留宴

歸期無奈何。何將軍山林

過章貢第七十九

崆峒地無軸。送從弟亞

江山雲霧昏。別李茂

萍漂忍流涕入行軍六第宅

故里但空存後出塞

至吉州第八十

掛颿遠色外雨

緬邈懷舊丘破船

江水風蕭蕭枯柏渡

烏啼滿城頭發秦州

吉州第八十一

泊舟滄江岸課伐木

身輕一鳥過送蔡師魯

請為父老歌羌村

歌長擊樽破屏跡

吉州第八十二

戚戚去故里前出塞

我生苦飄零通泉驛

回身視綠野送李校書

但見西嶺青揚旗

無恨悲愁在念間

悲哀

滿目寓其

過臨江第八十三

自離南安軍五日而至廬陵。七日過臨江。八日至豐城。余雖不食。未見其殆。眾以飲食交相逼迫。予念既過鄉州。已失初望。委命荒濱。立節不白。且聞暫止金陵郡。出坎之會。或者有隕自天。未可知也。遂復飲食。勉徇眾情。初眾議以予漸殆。欲行無禮。掩鼻以灌粥。酪至是遂止。乃知夷齊之心事。由其獨處荒山。故得行其志耳。

大丈夫心事

獨帆如飛鳴贈蘇侯

清江轉山急早發射洪

回首白雲多何將軍山林

山寒夜中泣龍門鎮

過隆興第八十四

隆興自陷沒後。忠義奮起。幾於返正。屠滅殆盡。過而傷之。

臨江久徘徊。山寺

再讀徐孺碑。張九齡

交遊颯向盡。餞斐二端公

到今耆舊悲。病橘

江行第八十五

畏途隨長江。自沙渡

萬里滄茫水。憶鄭南北

遊子去日長。成都

壯心不肯已。戲贈友

江行第八十六

江水東流去。陪王侍御宴

浮雲終日行。夢李白

別離經死地。鄭附馬池

飲啄愧殘生。草堂

江行第八十七

蕭蕭白揚路。李邕

死人積如丘。遺興

大江東流去。成都

蒼山旌旆愁。韋評事

江行第八十八

連山暗烽燧。送從弟亞

川谷血橫流。送樊侍御

揮泪臨大江。送韋

上有行雲愁。遺興

江行第八十九

六月六日過隆興。十二日至金陵。囚邸。八月二十三日渡江北行。事會多有可慨。尚何言哉。

朔風飄胡鴈。遣興

江城帶素月。聽揚氏歌

安得覆八溟。客居

滂沱洗吳越。喜雨

北行第九十

八月二十六日至揚州。九月初一日。哭母小祥於邳門外。初九日至徐州。弔項羽故宮地。登黃樓臺。讀子由賦。十二日至沛縣。縣有歌風臺。十五日至東平府。十七日至高唐州。十八日過平原。二十日至河間府。二十一日至保定府。

浮雲暮南征。前出塞

我馬向北嘶。白沙渡

荆棘暗長原。園官送萊

子規晝夜啼。客居

北行第九十一

清秋望不極。野望 中原杳茫茫。成都
游子悵寂寥。桔柏渡 下馬古戰場。遣興

北行第九十二

浮雲連海岱。兗州城樓 寒蕪際碣石。昔遊
落景惜登臨。杜侍御江樓 人烟渺蕭瑟。北征

北行第九十三

平野入青徐。兗州城樓 桑柘葉如雨。昔遊
信美無所適。成都 沉思情延佇。雨

北行第九十四

乾坤幾反覆蘇侍御渙

乘凌惜俄頃漢陂西

懷古視平蕪遣懷

令人發深省奉先寺

北行第九十五

游子無根株贈李四文

世梗悲路澀送程錄事

關山雪邊看秋行官張望

愁思胡笳夕喜達行在所

至燕城第九十六

十月一日至燕城越五日送千戶所枷禁十一月初

一日蘇枷初九日領赴北庭引問余不跪抗詞不屈

尋復還獄待死以至今日云

胡星墜燕地別唐誠

往在西京時往在

登臨意惘然登惠義

千秋一拭淚酌薛判官

至燕城第九十七

浩蕩想幽冀夏日歎

行行郡國遙野望

天寒落萬里遣興

回首向風颺官定後戲贈

至燕城第九十八

百年不敢料龍門閣

先後無醜好遣興

絕境與誰同送裴二

飄泊南庭老舟中

入獄第九十九

陰房鬼火青玉華宮

白日亦寂寞昔遊

自非曠士懷登慈恩塔

居人莽牢落送樊侍御

愁憤忠懷
杜語若為
公說

入獄第一百

天黑閉春院大雲寺

人間夜寥闐夜聽許十誦許

入獄第一百一

行行見羈束寫懷

欲覺聞晨鐘遊奉先寺

入獄第一百二

勞生共乾坤寫懷

燈影照無睡大雲寺

入獄第一百三

今為

如今置中兔懷鄭司戶

永日不可暮夏夜歎

斯人獨憔悴夢李白

青燈死分翳宿鑿石浦

何時有終極別贊上人

今夕復何夕贈衛八處士

怒氣吞胡

眼前列杻械草堂

夜看豐城氣詠懷

入獄第一百四

徘徊虎穴上寄贊上人

落日將何如宴歷下亭

懷舊第一百五

自百五至百九皆懷念故人為王事而沒者固多不能盡紀嗚呼哀哉自百二十六至百三十八皆師友之際同列之情死生契闊不能自已也

風塵淹白日寄弟五弟

乾坤霾漲海將適金陵

為我問故人送高司直

離別今誰在懷灞上遊

懷舊第一百六

天寒昏無日石龕

故鄉不可思赤谷

訪舊半為鬼贈衛處士

慘慘中腸悲送方書記

懷舊第一百七

故園花自發憶弟

無復故人來昔遊

亂離朋友盡遣懷

幽珮為誰哀雨

懷舊第一百八

故人入我夢夢李

相視涕闌干彭衙行

四海一塗炭逃難

焉用身獨完垂老別

黃冠之意
何曾在念
讀此可証

懷舊第一百九

中夜懷朋友宿清溪驛

百年見存沒鄭公度

風吹蒼江樹雨

寒月照白骨北征

金應第一百一十

承信郎路分金應元備筆札使令性剛知義隨勤王
入京余陷虜左右星散惟應無叛去志在鎮江得同
脫狼狽淮東備嘗艱苦至通州以憂鬱病死葬城下
哀哉

追隨三十載送顧文學

艱難愧深情羗村

何處埋爾骨鹿頭山

呼號傍孤城懷鄭司戶

叫絕堪死

張雲第一百一十一

路鈴張雲。元吉州敢勇將官。隨闡勤王。余既陷虜。張雲引兵自婺建劍汀歸里。虜已據吉城。雲不勝憤。七月引所部襲虜於南柵門。擊殺甚衆。本為散退之計。會天明。戰渴。赴江飲水。尋被衝溺死。使能少忍。當為吾用。哀哉。

痛憤寄所宣。義鵬

四方服勇決。北征

壯士歛精魂。客居

里巷猶嗚咽。赴奉先縣

劉欽貢元第一百一十二

字敬德。吉州貢士。素有志氣。好功名。上下今古。健於

議論。余開府汀城。敬德來寧都。就招諭使鄒鳳。會虜暴至。竟死。亂兵中同時死者。鞠華叔。顏斯立。顏起巖。皆郡之英俊。能為時立事功者。天生人才。若此。曾未施一技。速折乃爾。哀哉。

文章日自負。蘇公源明

去家死路傍。上後園山脚

高視見霸王。劍門

感子故意長。贈衛八處士

呂武第一百一十三

環衛官呂武。太平人。面旗為軍。余陷虜。應募。隨從北行。其人勁烈。面折人。觸忌諱。不避。然忠鯁。人皆服之。余與同脫鎮江。行淮東。患難中。賴以自壯。及開府南

為君寫
生詩耶書
耶工部耶
如山耶

劍遣其結約江淮道尋阻武間關數千里即余於汀
梅挺身寇寨化賊為兵方將將數千人出江西以無
禮於士大夫遭橫逆死死之日一軍為流涕哀哉
疾惡懷剛腸壯遊
世人皆欲殺不見

冤魄猶正直南池

回首肺肝熱鐵堂峽

鞏宣使信第一百一十四

團練使都統招諭使鞏信荆湖老將沉勇有謀奉朝
命引所部隨府予自興國趨永豐虜追在後於東固
方石嶺下大戰信據險堅立不動中數箭死土人葬
之如生尋奏贈清遠軍承宣使立廟戰所而迄未有

以慰忠冤也哀哉

壯士血相視嚴公武

斯人已云亡楊監草書圖

哀哀失木狖吳侍郎江上宅

夜深經戰場北征

張秘撰汴第一百一十五

秘閣脩撰廣東提舉督府叅謀張汴蜀人嘗為二吳
客佐荆湖幕習兵事予自贛勤王汴即入幕開督後
領袖一府知無不為空坑之敗秘撰易軍士阜衣伏
草中死亂兵後鄒處置得其尸棺歛焉哀哉

入幕旌旗動別魏侍郎

揮翰綺繡揚汝陽王璉

烟霧蒙玉質赴奉先縣

斯人今則亡遺興

繆朝宗第一百一十六

環衛官知梅州繆朝宗。淮人有義氣。嘗為常熟邵氏客。從余於平江。余歸福安。自婺問道來相從。精練幹實。孜孜奉公。軍府器械悉出其手。空坑之敗。自經於山間。哀哉。

空荒咆熊罷。課伐木

摧殘沒藜莠。枯樓

平生江海心。破船

其人骨已朽。喜晴

閩三士第一百一十七

督機秘書謝杞。督幹架閣許由。督幹架閣李幼節。閩士之秀。皆登科。杞太學名士。空坑之敗。不知所終。哀

哉。

後雅高懷
可望可仰

俊逸鮑參軍。憶李白

優游謝康樂。石櫃閣

豺虎正縱橫。久客

南行道彌惡。青陽陔

諸幕客第一百一十八

督府架閣吳文煥。督遣林棟等。皆閩人。有幹實。宣勞幕府。空坑之敗。被執。尋遇害。哀哉。

入幕未展才。贈李八判官

辛苦在道路。送高判官直

回首一茫茫。送李判官

風悲浮雲去。遣典

趙太監時賞第一百一十九

直寶章閣軍器太監督府參議官。江西招討副使。趙

空坑之敗
時賞走吳
溪被執耳
可見史傳
之謬若公
以時賞故
得脫此必
叙出

集本言

時賞宗室有志氣首宰旌德以一縣抗虜數有功京師陷入閩行朝擢知邵武軍以棄城罪去自余開督隨府典兵數將偏師以當一面神采明雋議論慷慨空坑之敗走之吳溪尋被執於隆興遇害哀哉

豪傑貴勳業

送殿中楊豐

宗支神堯後

贈李八判官

平生白羽扇

嚴武公

鬱結回我首

述懷

劉沐第一百二十

宣教郎督府機宜帶行人府寺簿劉沐字淵伯余隣曲朋友從勤王補官余陷淵伯領諸軍還及余歸國淵伯收部曲赴府會於汀專將一軍為督帳親衛沉

父子相繼
死事

實有謀圓機應物凡江西忠義皆淵伯所號召晝夜酬應精力不倦會病劇年起空坑之敗不得脫遇害於隆興長子同日刑次子貢元死空坑亂兵余收其第三幼子亦沒於廣哀哉

王翰願卜隣

贈韋左丞

稽康不得死

遺典

落月滿屋梁

夢李白

悲風為我起

金華山觀

孫臬第一百二十一

宣教郎帶行監官告院知吉州龍泉縣孫臬余長妹夫也余引兵出贛其邑人奉臬以邑返正尋為親黨所陷遇害於隆興哀哉

集本詩

故人有孫宰

彭衙行

義均骨肉地

錢裴二端公

連為糞土叢

往在

揮手灑衰泪

別建封

彭司令震龍第一百二十二

宣教郎帶行大社令。知吉州永新縣。彭震龍。余次妹夫也。性跌宕。喜功名。起兵隨勤王。及歸。郡邑已陷。乃結湖南諸峒豪傑。謀興復。余出江西。即以縣返。正虜遣軍攻之。其親黨內應。被執。遇害於郡城。哀哉。

堂上會親戚

送李校書

可憐馬上郎

白馬

呻吟更流血

北征

干戈浩茫茫

南池

蕭從事燾夫第一百二十三

從事郎蕭燾夫。永新人。工詩與字。從余山中久。其兄敬夫。詩尤豪傑。亦嘗客吾門。燾夫從勤王。得官。及歸。贊彭司令收復鄉邑。規以正道。余至興國。詣府白事。意氣慷慨。邑城陷。兄弟俱不免。哀哉。

燾其平生而曲達之

灑翰銀鈎連

陳拾遺故宅

翩躚山頂鶴

西閣曝日

慘淡鬪龍蛇

喜晴

及茲歎冥漠

青陽候

蕭架閣第一百二十四

督幹架閣監軍蕭明哲。字元甫。吉州貢士。性剛毅。遇事有膽氣。明於大節。余至汀梅來。從督府幕。及出江西。監贛縣義兵。收復萬安縣。尋復龍泉。行府敗。元甫

入野陂。連結諸寨。拒虜被執。死於洪。哀哉。

諸生舊短褐。

橋陵

張目視寇讐。

送韋評事

高義終焉在。

送王信州

白骨更何憂。

得弟觀書

寫其血氣如生

陳督幹第一百二十五

督幹監軍陳子敬。贛人以貲力雄鄉里。舊從余遊行。府至汀。子敬招集義兵。置屯阜口。以據贛下流。以遏虜船往來。及行府攻贛。子敬行其謀。功效甚著。行府敗。舉兵黃塘。連結山寨。不降。重兵襲潰。不聞所終。哀哉。

挺身艱難際。

送韋評事

虎穴連里閭。

課伐木

高天意悽惻。

送韋諷

同盡隨丘墟。

謝文公上方

陳少卿第一百二十六

帶行太府少卿。福建提刑督府參議官。陳龍復。泉州老儒。號清陂。先生丙辰登科。沈厚朴茂。有前輩風流。平生所歷州縣。皆以清儉著名。余開府南劍。辟入幕。老成重一府。尋遣往漳潮。計事行府。自江南再入廣。先生聚兵循梅來。會後分司潮陽。應接諸路。四方豪傑翕然響應。積糧治兵。行府由是趨潮陽。及移屯為虜所追襲。先生遂不免。時年七十二。哀哉。

卿月昇金掌。

江陵送高大卿

老氣橫九州。

送韋評事

前輩復誰紀李公

吾道長悠悠發秦州

鄒處置第一百二十七

兵部侍郎江東西處置副使督府參贊軍事鄒瀉字鳳叔吉水人慷慨有大志以豪俠行臺郡間從余勤王補武資至將軍景炎換文以寺丞領江西招諭副使聚兵寧都氣勢甚盛寧都被執變姓名為卜者虜不知其為招諭使也入贛城得脫尋聚兵永豐興國間行府奏授江西安撫副使統兵數萬攻興國縣尋會行府至縣返正別軍復永豐進授江東西處置副使屯兵永豐境上以烏合一日而潰行府失助於是

有空坑之敗哀哉

東郊暗長戰吳侍御江上宅

死地脫斯須將適金陵

庾公興不淺張九齡

居然屈壯圖別蘇溪

鄒處置第一百二十八

行府再入廣奏以公充都督府分司置司永豐興國間接應江淮虜自隆興遣大兵攻襲公萬死一生備經艱難竟得脫引江西兵入廣會行府於潮陽及移屯公為殿事出不虞虜至麾下火急自剄扶入南嶺踰十日死是行公所將皆江西頭目以取行府為名使行府入江西十萬眾立辦天之未啓中興也奈何

鄒處置厥功大矣公尊之而不吝其為國重公如此

公有子甚俊。先卒。家人散失無餘。公嘗謂余欲立富田鄒氏子為嗣。不果。至是絕。哀哉。

方當用節鉞。相中允

不返舊征魂。東樓

淒涼餘部曲。送郭中丞

發聲為爾吞。別李義

劉監簿第一百二十九

宣教郎帶行軍器監簿督府機宜劉子俊。字民章。吾鄉之傑也。嘗領漕貢。余開督興國。民章來計事。行府敗。民章收散兵於洞源。接應諸郡縣。尋引軍入廣道。遇虜潰亡。未幾再招集。與鄒處置同詣行府。會於潮陽。越二十日而行。府敗。民章被執。莫知所終。哀哉。

忠義皆殘
滅惟有愛
魂親

艱難奮長戰。潼關吏

高義薄曾雲。彭衙行

死為殊方鬼。客堂

三夜頻夢君。夢李白

劉監簿第一百三十

秀氣衝星斗。贈李八丈

壯筆過飛泉。李十五丈

舊遊易磨滅。汝陽王璉

魂傷山寂然。妻子入蜀

蕭資第一百三十一

閣門路鈴蕭資。本書吏也。小年給使令。稍長通文墨。圓機善處事。性和厚。上下信愛。予家先避地入廣。資於患難中扶持盡力。及行府江西之敗。衛護太夫人。全督府印。有功。後在兵間調和諸將。應府中碎務。皆

其領攝腹心之良也。潮陽移屯，道遇虜，資以病體，被害哀哉。

主當風雲會 病柏

謝爾從者勞 遣興

感恩義不小 送盧侍郎

鬼獨委蓬蒿 送王

杜大卿濟第一百三十二

司農卿廣東提舉招討副使督府謀官杜濟字貴卿，丞相立齋之姪也。性剛猛，為游俠京師。余北行，濟願從鎮江之脫，濟之力也。匍匐淮甸，衛護艱虞，忠勞備盡。嗚呼，可謂義士。

中夜間道歸 後出塞

大卿衛公力凡畫是

昔沒賊中時 送章評事

辛苦救衰朽 遭田父泥飯

微爾人盡非 北征

杜大卿濟第一百三十三

濟從余南還，佐府南劍，尋遣往台温招集兵財。福安陷，相失，濟趨行朝。久之奉朝命，至行府，值江西之敗，又與跋涉艱難者年餘。及行府移屯潮陽，濟護海舟，尋趨匡山，與行府遂隔。及匡山潰，濟并陷焉。余至五羊，濟來見，病無復人形，在虜網羅中，無所容力，尋聞死焉。哀哉。

高隨海上查 夜宴

子豈無扁舟 寄薛郎中

白日照執袂 送樊侍御

埋骨已經秋 破船

集士詩

徐榛第一百三十四

詩闕

正將徐榛。温州人。其父官湖北。榛往省。迷失道。歸行府。後生精練。以筆扎典機密。小心可信。予被執。榛得脫。自惠州來。五羊。願從北行。扶持患難。備殫忠款。道病。至豐城死焉。

林檢院琦第一百三十五

宣教郎督機檢院林琦。閩士。余屯餘杭時。琦結習赭山。忠義捍禦海道。得官。及南劍開府。琦來。外有文采。內甚忠實。數隨患難。勞而不怨。及行府湖陽之敗。琦不能脫。虜屯惠境。逃去。尋又被獲。虜遇之不以禮。至

建康病死。虜自謂琦不肯自愛。如於沿道浸水務自殘滅之類。琦可謂不降其志者矣。哀哉。

時危挹佳士

胎柳少府

慘淡隨回鶻

北征

佯狂真可哀

不見

死淚終映睫

李光弼

曾先生第一百三十六

秀峰曾先生鳳。余師也。太學釋褐。累遷監丞。會京師亂。走衢。衢尋陷。及景炎登極。衢添倅蕭雷龍。首倡反正。先生自衢來。劍隨行府之汀。丁丑春。以梅州添差通判將行。會行府移屯。先生挈家避地於汀之鄉落。六月以病死。其子二貴。自吉來奔喪。不能返喪。幸其

曾先生無戰衛功而公叙列此者正以先生能先機避難耳其待先生猶至

一家歸至瑞金。三貴復病死於道。先生妻亦卒。惟女在。不知所之。先生遭值虜難。以清文粹德。一不施於世。流落以死。家乃俱喪。哀哉。

江海日淒涼。遺興

賢聖盡蕭索。西關

西河共風味。衡山縣學

顧步涕橫落。郭代公故宅

鄧禮部第一百二十七

光薦字中甫。余郡人。自虜渡領及廣陷。避地深山。適強寇至。妻子兒女等匿暗室。寇無所睹。焚其居。十二口同時死。中甫隨駕至匡山。除禮部侍郎。已卯春。除學士院權直。未數日。虜至匡山。潰。中甫赴海。虜舟拔。

出之。張元帥待以客禮。與余出嶺。別於建康。嗚呼。中甫禍難之慘。不減余而獨免。北行幸而脫歸。俱為管寧。為陶潛。不亦善乎。

南宮無故人。

才名三十年。問鄭景文

江城秋日落。贈侍郎四舅

此別意蒼然。送韋書記

家樞密鉉翁第一百二十八

則堂先生家鉉翁。蜀名家。有學問。舉動必以禮。朝中老成典刑也。當國都不守。先生簽書樞密。見虜。持正議。左丞相吳堅。右丞相賈餘慶。以省札通告天下。令以城歸附。先生不押字。虜自省中。脅以無禮。公不為。

動竟未如之何。後以祈請使為名。群詣北庭。既至上書。申祈請之議。忤北庭意。留燕邸。已而移漁陽。又移河間。如我朝羈置。特官給飲食而已。余過河間。得一二相見。先生風采。非復宿昔。而忠貞儼然。使人望而知敬。嗚呼。其可謂正人矣。

出處同世網。鄭公度

高誼邁等倫。別蔡著作

異方驚會面。送韋別駕

慰此真良臣。寄唐使君

墳墓第一百三十九

予甲戌春。自衡陽憲節歸。赴贛州省拜墳墓。及乙亥五月。奔祖母喪。至門。以起復。六月。望日出從戎事。與

宗族鄉黨永訣云。

別離已五年。贈蘇四

不及祖父塋。後園山脚

霜露晚凄凄。出郭

痛哭松風迴。北征

宗族第一百四十

西江接錦城。送李肅

山陰一茅宇。遺興

宗族忍相遺。送崔都水

乾坤此深阻。宿清溪驛

母第一百四十一

先母齊魏國太夫人。蓋自虜難後。弟璧奉侍赴惠州。弟璋從焉。已而之廣之循之梅。余來梅州。母子兄弟始相見。既而魚軒出江西。尋復入廣。夫人遊二子間。

無適無莫。雖兵革紛擾。處之怡然。戊寅行府駐船澳。弟璧仍知惠州。弟璋復在侍。夫人藥。八月兩國之命下。時已得疾。九月七日寅時薨逝。弟璧卜地於惠循之深山間。不肖孤已矣。未有返葬夫人期。不知二弟何時畢此大事。身陷萬里縲紲中。歲時南望嗚咽云。何時太夫人。送李披書上天回哀眷。大雨墓久孤兔隣。汝陽王璉嗚呼。淚如霰。白馬舅一百四十二。予以楚囚過西昌。聞舅家杌隉。自是南望孤雲。毋念我母。不勝滑陽之情。

萱草秋已死。從孫濟

歲暮有嚴霜。北遊

落日渭陽情。送翁統軍

涕淚濺我裳。貼華陽李少府

妻第一百四十三

丁丑八月十七日。空坑之敗。夫人歐陽氏女柳娘。環娘。子佛生。環之生母。顏佛之生母。黃並。陷失。尋聞自隆興北行。惟佛生已死。人世禍難有如此者。哀哉。

結髮為妻子。新婚別

倉皇避亂兵。破船

生離與死別。別賀蘭鈺

回首淚縱橫。示宗文宗武

二女第一百四十四

床前兩小女。北征

各在天一涯。送高書記

所愧為人父。赴奉先縣

風物長年悲。送楊監入蜀

次子第一百四十五

渥洼驥驥兒。送李校書

衆中見毛骨。送魏六丈

別來忽三載。四松

殘害為異物。北征

妻子第一百四十六

妻子隔絕久。述懷

飄飄若埃塵。寄薛郎中

漠漠世間黑。贈蜀僧

性命由他人。懷鄭司戶

妻子第一百四十七

世亂遭飄蕩。羌村

飛蘆共徘徊。昔遊

十口隔風雪。赴奉先縣

反畏消息來。述懷

長妹第一百四十八

余長妹適孫氏，不幸孫氏傾覆，家沒入燕，妹奉孫氏生母，携子肖翁、約翁及一女，零丁孤苦，客食萬里，妹雖患難中，侍養撫教各盡其所，可謂賢矣。哀哉。

近聞韋氏妹。元日

零落依草木。佳人

深負鶴鴒詩。得舍弟消息

臨風欲痛哭。閬州東樓

長子第一百四十九

余二子，長曰道生，姿性可教，不幸亂離，隨家飄泊，空坑之敗，能脫身自全，鍾愛於太夫人，以疾後，太夫人六十日死於惠陽郡治中，生十三年矣。哀哉。

大兒聰明到。劉少府山水障

青歲已摧頽。昔遊

回風吹獨樹。樊侍御

吾寧舍一哀。赴奉先縣

二女第一百五十

余六女長定娘次柳娘次環娘次監娘次奉娘次壽娘丙子定娘壽娘以病死於河源之三角丁丑柳娘環娘陷惟監娘奉娘得存戊寅潮陽之敗復死亂兵中哀哉

癡女饑咬我。彭衙行

鬱沒一悲覓。遺懷

不得收骨肉。佳人

痛哭蒼烟根。送樊侍御

弟第一百五十一

余二弟長壁次璋璋自船澳奉母喪趨惠州別壁來五羊別自是骨肉因緣墮寥廓矣哀哉

兄弟分離苦。送弟頻

淒涼憶去年。倚杖

何以有羽翼。夢李白

飛去墮爾前。彭衙行

弟第一百五十二

棣華晴雨好。和宋少府

風急手足寒。水會渡

百戰今誰在。憶弟

羈棲見汝難。寄弟

弟第一百五十三

沙脫鶴鴿寒。寄弟豐

風吹紫荆樹。得弟消息

忍淚獨含情。郭中丞

江湖春欲暮。宴胡侍郎

弟第一百五十四

不見江東弟。元日示宗武

急難心惘然。義鵠

念君經世亂。送班司馬入京

臥病海雲邊。所思

次妹第一百五十五

余次妹自永新歸寧不與彭氏之難亂離中隨母兩國夫人上下自船澳奉喪趨惠陽兄妹不復見矣哀哉

天際傷愁別。出郊

江山憔悴人。送孟倉曹

團圓思弟妹。又示兩兒

傳語故鄉春。贈別何邕

思故鄉第一百五十六

山水留情

自一百五十六至一百六十二共七首皆思故鄉懷故山之情余始創文山其間水石竹木蕭然有輞川盤谷之趣蓋將終焉承平時鄉曲賓朋日夕宴聚樂以忘憂真人世之清福今思之非惟平生故人半為塵土而故鄉萬里并隔世外惟死則竟識歸吾故鄉耳哀哉

天地西江遠。送崔侍郎

無家問死生。憶舍弟

涼風起天末。憶李白

萬里故鄉情。江樓宴

第一百五十七

江漢故人少。贈弟贊善

東西消息稀。憶弟

異花開絕域遊何將軍山林

第一百五十八

野風吹征衣別贊上人

老夫悲華年聽楊氏歌

天涯故人少送弟

每望東南雲遣興

决背入飛鳥望岳

第一百五十九

人生無家別無家別

親故傷老醜述懷

剪紙招我魂彭衙行

何時一樽酒憶李白

第一百六十

春水滿南國遣寓

慘淡故園烟陳拾遺

三年門巷空遣興

永為隣里憐草堂

第一百六十一

迢迢萬里餘前出塞

絕域誰慰懷贈李五丈

我圃日蒼翠雨

回首望兩厓柴門

第一百六十二

春日漲雲空過津口

故園當北斗月

窈窕桃李花喜晴

紛披為誰秀九日

第一百六十三

自一百六十三至一百九十一共二十九首雜然寫其本心

陶潛避俗翁遣興

龐公竟獨往

明明君臣契牽牛織女

牢落吾安放鄭公

第一百六十四

吳楚東南坼登岳陽樓

風雲地一隅地隔

蹉跎暮容色重過何氏

不敢恨危途北風

第一百六十五

風烟渺吳蜀柴門

雲帆轉遼海後出塞

喪亂紛嗷嗷遣寓

尚愧微軀在與嚴二奉禮別

第一百六十六

驚風翻河漢有懷

鶉首麗泥塗將適金陵

吾衰將焉託遣懷

愁絕付摧枯北征

第一百六十七

陰風千里來吳侍御江上宅

驚浪滿吳楚雨

世事兩茫茫贈衛八處士

飄泊欲誰訴又雨

第一百六十八

平生方寸心舟中苦熱

誓開玄冥北後出塞

歲暮日月疾寫懷

我嘆黑頭白附薛判官

第一百六十九

今吾抱何恨贈別

恨無匡復姿送樊侍郎

含笑看吳鉤後出塞

回首蛟龍池詠懷

第一百七十一補卷末

天衢陰崢嶸。赴奉先縣

平生獨性願。立秋後題

第一百七十二

濟時肯殺身。寄唐使君

百年能幾何。別唐誠

第一百七十三

絕域三冬暮。送七舅

林氣森噴薄。過郭代公故宅

第一百七十四

仰看八尺軀。別張建封

歲寒心匪他。送嚴使君

零落首陽阿。過宋之問舊莊

慘淡若士志。送李大夫

終古立忠義。陳拾遺故宅

垂老見飄零。送李大夫

意鍾老栢青。送程錄事還鄉

不要懸黃金。蘇公源明

乃知君子心。張九齡

後生血氣豪。遣懷

我何隨爾曹。飛仙閣

青青歲寒栢。枯櫟

第一百七十五

小人困馳驟。九日

世事固堪論。園官送菜

第一百七十六

天地日蛙蠅。張九齡

聊欲從此逝。送樊侍御

第一百七十七

男兒生世間。後出塞

鸞鳳有鍛翮。寄唐使君

居然成濩落。赴奉先縣

虹蜺就掌握。揚旗

勞生苦奈何。饒嘉州程都督

人少豺虎多。別唐誠

居然成濩落。赴奉先縣

虹蜺就掌握。揚旗

勞生苦奈何。饒嘉州程都督

人少豺虎多。別唐誠

居然成濩落。赴奉先縣

虹蜺就掌握。揚旗

第一百七十八

鸞鳳不相待。暇日小園

白魚困密網。過津

但訝鹿皮翁。遺典

冥冥任所往。蘇少保

第一百七十九

威鳳高其翔。尋崔

老鶴萬里心。遺典

脫略誰能馴。薛少保

兀兀遂至今。赴奉先縣

第一百八十

天寒霜雪繁。赤谷

蕭蕭北風勁。羌村

高鳥黃雲暮。送殷參軍

斗上換孤影。義鶻

第一百八十一

乾坤沸嗷嗷。送王

名繫朱鳥影。張九齡

寥落寸心違。送何侍御

斯文亦吾病。早發

第一百八十二

儒冠多誤身。贈韋

識字用心苦。阮隱居

斯文憂患餘。宿鑿石浦

鬱鬱流年度。雨

第一百八十三

名賢慎出處。自施州歸

志士懷感傷。贈李四丈

猶殘數行淚。登牛頭山

引古惜興亡。壯遊

第一百八十四

讀書破萬卷。贈韋

許身亦何愚。赴奉先縣

赤驥頓長纓。述古

健兒勝腐儒。草堂

第一百八十五

蕭條四海內。別唐

慷慨有餘悲。水檻

路逢相識人。前出塞

開懷無愧辭。詠懷

第一百八十六

高歌激宇宙。衡山縣學

歲晚寸心違。贈韋贊善

忠貞負冤恨。李公邕

姦雄多是非。詠懷

第一百八十七

丈夫四方志。前出塞

喪亂飽經過。寓目

清心聽鳴鏑。聽許十誦詩

衰老強高歌。別唐

第一百八十八

茫然阮籍途。早發射洪

益歎身世拙。北征

零落蛟龍匣。李公光弼

開視化為血。客從

第一百八十九

天地有逆順。崔少府

惘然難久留。發秦州

當歌欲一放。尋崔戢

河漢聲西流。登慈恩塔

第一百九十

萬古一死生。詠懷

誰是長年者。玉華宮

我何良歎嗟。鹽井

短褐即長夜。遺興

第一百九十一

可以死矣

可痛恨

奇語慘甚

高官何足論。佳人
物理固自然。鹽井

寂寞身後事。夢李
願聞第一義。上方

歎世道第一百九十二

自一百九十二起至二百。泛然為世道感歎。

古來遭喪亂。西閣

丈夫多英雄。牽牛

悠悠委薄俗。入衡

豈非吾道東。贈蘇

第一百九十三

蝮蛇暮偃蹇。簡崔

猛虎憑其威。遺興

真宰意茫茫。遺興

六合人烟稀。北風

第一百九十四

黎民困逆節。登襄

殘孽駐艱虞。過南

孰云網恢恢。夢李

自及梟獍徒。草堂

第一百九十五

眼中萬少年。別張

得志行所為。詠懷

白馬蹴微雪。遺興

追隨燕薊兒。王公

第一百九十六

客從何處來。病柏

挾矢射漢月。留花

殺身傍權要。三韻

門戶有旌節。遺興

第一百九十七

關河霜雪清。送遠

故人亦流落。送裴五

可嘆

可恨可殺

從虜小人
對此動念
否

夷歌奉玉盤揚六判官

悲君隨燕雀贈何邕

第一百九十八

漁陽豪俠地後出塞

北里富熏天遣典

快馬金纏轡送從亞弟

但遇新少年遣懷

第一百九十九

南北逃世難逃難

始聞蕃漢殊草堂

天下今一家鹿頭山

中原有驅除留花門

第二百

茫茫天造間宿花石成

高岸尚為谷水檻

百川日東流別贊上人

勢閱人代速觀山川水漲

第一百七十一

天長眺東南鄭公虔

衰謝多酸辛汝陽王璣

丈夫誓許國前出塞

直筆在史臣李公光弼

宋文文山先生全集卷之十六終

